

Ахр зәнъгс

* Июль сарин 3-д КНР-н государственн советин премьер Чжоу Эн-лай Китд, өмнь японск цергт цергджд йовсн әмтс Китдт гиичлджд ирснлә харгъв гидж Синьхуан агентств сонъсхджана.

* Гурвн өдр болсн забастовкин хөөн, Тегерана кирпичн заводсин эзн, көдлмшчирт шинъгәвринь 12,5 процентәс авн 30 процент күртл икдүлх болв гидж „Кейхан“ гидг газет бичджәнә.

* Суэцк каналар цуг делкән орн-нутгудин дарцгта кесг кермс өдр болгън гатлна. Июлин 3-д газадин ордудин йир олт кермс гатлв—теднә тонь 62 күрв. Каирск радион сонъсхврар болхла, канал түрүн хойр сарин көдлмшәсн гурвн миллион египетск фунтс ору орулв.

* Итальяд күч-көлсчирин эврәннъ зөвин төлә болджах уумән зогсад уга. Ливорно гидг провинц июль сарин 3-д

тедн забастовк кев. Кесг олт балгъсдудар болн әмтн бәәх газрмудар митинг кедж, эврәннъ сурлгъан эс зөвшәртл ноолднавдн гидж бастовать кеджәх әмтс келцхәв.

* „СССР-д атомн күчн төвкнүн бәәлгънә төлә олзлгдждана“ — гидг советск гәәхүл Румынд төгсв. Бухарест, Тимишоарн, Сталин болн Ясса гидг дөрвн балгъснд эн гәәхүл үзүлгдв.

* Китайск Народн Республикд хулддг каучукиг кемждәлджд өгдгиг уурулхмн гидж Малайск правительств тогтав гидж Куала-Лумпурас сонъсхджана.

* Парижин дөрвн округин толгъачнриг болн теднә 27 нөкднриг көдлмшәснъ гаргъхмн гисн правительствин декретиг уурулхмн гидж Францин Государственн Совет шиидвр гаргъв.

Цаг зуурин редактор С. КАЛЯЕВ.